


ОНЧЫКЫЛЫК ПОЭТ-ВЛАКЫМ «ТАПТЫШЕ АПШАТ»

Тиде гана поро шарны-маш "Морко мланде" газетын ончычсо ответственный секретарьже Геннадий Михайлович Бекешев нерген.

Туныктышылан ыштыме жапыште Геннадий Михайлович нерген шуко колалтын, возымо статьяже-влакымат лудалтын, а чак палыме лийна уста журналист дене Вуртем поэт А.Ф.Сычевын 50 ияш юбилейжым 1996 ий декабрь мучаште эртарыме годым. Шарны-маш касым М.Янтемир лүмеш тоштерыште Капитон Галкин дене пырля эртарышт. А.Сычевын пелашы-

же Инна Ивановна толын ыле. Тошметсола гыч библиотекарь К.И.Иванова (Саша дене Шенше школышто пырля тунемме) дене миенна. Юбилярын шуко почеламутшым лудыч, поэт нерген шокшо ой-влак шуко жаплан ушеш лодемалт кодыч. А.Ф.Сычевлан 50 ий темме амал денак Морко поселкышто ик урем тудын лүмжым нумалеш.

Поэт А.Сычевын 70 ияш лүмгечыжым пайремлыме нерген газетыште возымо ыле. А ямдылалтме годым Геннадий Михайловичын Марий Элын ончыкылык



Поэт А.Ф.Сычев.

мастар поэтше-влакым "таптымаште" надыржым сайынрак пален налаш амал лие. Вет тудо эше Вешьшүргө школышто туныктымыжо годымак сылнымут кружокышто лүмлө поэт-влак Валентин Колумблан, Альберт Степановлан, Эврик Анисимовлан кушкашышт негызым пыштен.

А Горельский школышто ыштымыже годым пелашыже Ольга Андриановна дене руш поэзий аланыште Саша Сычевым куштеныт. Тудымат Валентин Колумб семынак Олык Ипай лүмеш

премиийым сулен налаш йöрышым ыштен шуктеныт.

Геннадий Михайлович Сашан пашажым поэт семынат, журналист семынат эре тütкын эскерен, ой-кагаш дене гына огыл, окса, пачер шот денат полшен шоген, да пытартыш корнышкат тудак ужатен. Вот могай тудо - Г.М.Бекешев!

Апшат гаяк күртньым шокшынек таптен шоген да тыгай поэт-влак, руш манмыла, "поэтический олимп" шуыныт.

С.АЛЕКСЕЕВА.
Тошметсола ял.